

名醫方論卷三

新安羅東逸先生評定

葱水柯韻伯先生參閱

葛根黃芩黃連湯

治太陽誤下邪熱入裏脉促喘而不利

葛根

半勛

甘草

黃芩

各二兩

黃連

三兩

右四味以水八升先煮葛根減二升內諸藥煮取二

升去滓分溫再服

喻嘉言曰太陽病原無裏症但當用桂枝解外若反下之



則邪熱之在太陽者未入陽明之經已入陽明之府所以
其脈促急其汗外越其氣上奔則喘下奔則泄故舍桂枝
而用葛根以專主陽明之表加苓連以清裏熱則不喘
而喘自止不治利而利自止此又太陽兩解表裏變法也

桂枝湯去桂加茯苓白朮湯

服桂枝湯或下之仍頭項強痛翕翕發熱無汗心下滿微痛小便不利者桂枝去桂加茯苓白朮湯主之利則愈

桂枝湯去桂加白朮茯苓各三兩減芍藥一兩

柯韻伯曰汗出不徹而遽下之表證仍在而反無汗更見心下滿痛此謂有表裏證矣病機向裏即當究其裏滿而不鞭痛而微此非結熱必水氣凝滯而然當問其小便若小便利者邪未犯本病仍在表仍須汗散如小便不利者由膀胱之水氣不行故營衛之津液不出而非桂枝證未



利小便不得更發汗

小便利太陽

表裏証悉除



五苓散

罷也。欲利小便者，不得更發汗。故去桂枝而石以苓朮則
 薑芍即散邪利水之佐。甘棗效培土制水之功。非復辛甘
 發散之劑矣。此水結中焦，可利而不可散。所以與小青龍
 五苓不同法。但得膀胱水去而太陽表裏之證悉除。此為
 治病必求於本。經曰：血之與汗異名而同類。又曰：膀胱
 津液氣化而後能出。是汗由血化，小便由氣化也。桂枝是
 血分藥，但能發汗，不能利水。按五苓散云：多服煖水，汗出
 愈。此云小便利則愈。可明用桂去桂之理。今人不審仲景
 法，妄謂仲景製五苓以利水，豈不悖哉。

前○人○所○未○發○



黃芩湯

論二條 仲景方

治太陽陽少陽胆合病自下利者若嘔者加半夏生薑

黃芩

甘草

芍藥 各二兩

大棗 十二枚

右四味以水一斗煮取三升去滓溫服一升日再服

夜一服嘔者加 半夏半飭 生薑三兩

程郊倩曰此之合病者頭痛胸滿口苦咽乾目眩或往來

寒熱脉或大而弦半表之邪不待太陽傳遞而即合太陽

並見經氣不無失守所以下利陽熱漸勝表實裏虛則邪

熱得乘虛而攻及裏氣故用黃芩湯清熱益陰半裏清而



半表自解矣

柯韻伯曰太陽少陽合病是熱邪已入少陽之裏膽火土
 逆移熱於脾故自下利與黃芩湯酸苦相濟以存陰也熱
 不在半表故不用柴胡今熱已入半裏故黃芩主之雖非
 胃實亦非胃虛故不須人參以補中也兼痰飲則嘔故仍

黃芩加半夏
生薑湯

加半夏生薑

此治熱痢之主方



邪氣寒氣也故寒
熱並用

大青龍湯

○黃連湯 仲景

治傷寒胸中有熱胃中有邪氣腹中痛欲嘔吐者

黃連

甘草

乾薑 各三兩

人參 二兩

桂枝 三兩

半夏 半升

大棗 十二枚

右七味以水一斗煮取六升去滓溫服一升日三服

夜二服

程郊倩曰熱在胸中有煩躁鬱悶之證可知胃中反有邪氣以寒邪被格在下故也此證寒熱俱有較之大青龍之寒熱已向近裏一層故其症不見之表裏際而只見之上



傳景方
中往往
寒熱並
用黃連
湯之用
乾薑此
其門頭

下際腹中痛者陰不得上而寒乃獨治於下也欲嘔吐者

陽不得下而熱乃獨治於上也此為上下相格則治法亦

寒熱並施而辛寒易以苦寒辛熱加以苦熱更用人參半

夏以補宣中氣升降陰陽自此條而互及瀉心諸湯皆其

法也

成氏曰淫家下後舌上如胎者以丹田有熱胸中有寒是
邪氣入裏而為下熱上寒也此傷寒邪氣傳裏而為下寒
上熱也喻氏曰陰陽悖逆皆當和解法



十棗湯 全匱

此散作湯法

治太陽中風表解後裏氣不和下利嘔逆心下至腹痞滿鞭痛汗出短氣頭痛不惡寒者此治水之急方也

大棗 十枚 擘

甘遂

大戟

芫花 熬各等分

右三味各別搗為散以水一升半先煮大棗肥者十枚取八合去滓內末藥強人一錢羸人服半錢平旦溫服若下少病不除者明日再服加半錢得快下後糜粥自養

柯韻伯曰仲景利水之方種種不同此其最峻者也凡水



氣為患或喘或咳或悸或噎或吐或利或無汗病在一處而止此則外走皮毛而汗出上走咽喉而嘔逆下走腸胃而下利水邪之泛溢於外者浩浩莫禦矣且頭痛短氣心腹脇下皆痞滿而鞭痛是水邪尚留結於中三焦升降之氣阻隔而難通矣表邪已罷非汗散之法所宜裏邪充斥又非淡滲之品所能勝非選利水之所至峻者以直折之中氣不支束手待斃耳甘遂芫花大戟三味皆辛苦氣寒而稟性最毒並舉而用之氣味合相濟相須故可交相去邪之巢穴決其瀆而大下之一舉而水患可平也然水利



所○湊○其○元○氣○已○虛○而○毒○藥○攻○邪○必○脾○胃○反○弱○使○無○健○劑○
胃○之○品○為○主○宰○邪○氣○盡○而○大○命○亦○隨○之○矣○故○選○十○棗○之○大
而○肥○者○以○君○之○一○以○培○脾○土○之○虛○一○以○制○水○氣○之○橫○一○以
解○諸○藥○之○毒○得○一○物○而○三○善○備○既○不○使○邪○氣○之○盛○而○不○制
又○不○使○元○氣○之○虛○而○不○支○此○仲○景○立○法○之○盡○善○也○昧○者○惑
於○甘○能○中○滿○之○說○而○不○敢○用○豈○知○承○制○之○理○乎○張○子○和○竊
此○意○而○製○濬○川○禹○功○神○祐○等○方○以○治○水○腫○痰○飲○之○病○而○不
知○君○補○劑○以○培○本○但○知○任○毒○藥○以○攻○邪○所○以○善○其○後○者○鮮
矣○



南京中医药大学图书馆版权所有

小陷胸湯 仲景

治心下痞按之則痛脉浮滑者


黃連 二兩

半夏 半升

栝蔞實 大者一箇

右三味以水六升先煮栝蔞實取三升去滓內諸藥
煮取二升分溫三服

程扶生曰此熱結未深者在心下不若大結胸之高在心
上按之痛比手不可近為輕脉之浮滑又緩於沉緊但痰
飲素盛挾熱邪而內結所以脉見浮滑也以半夏之辛散
之黃連之苦瀉之栝蔞之苦潤滌之熱所以除熱散結於



胸中也。先煮括蕒分溫三服。皆以緩治上之法。
程郊倩曰：黃連滌熱，半夏導飲，括蕒潤燥。合之以開結氣。
亦名曰陷胸者。攻雖不峻，而一皆直瀉其胸裏之實邪。亦
從此奪矣。



大陷胸湯

主治傷寒發熱不發汗而反下之表熱乘虛入於胸中與不得為汗之水氣結而不散令心下至小腹鞭滿而痛不可近其人身無大熱但頭汗出或潮熱燥渴脉沉緊者如水腫腸澀初起形氣俱實者亦可用

大黃六兩

芒硝

葶藶子

杏仁

去皮各半升

甘遂

一錢為末

結胸乃水飲為患傷寒論云此為水結故用甘遂

右五味以水先煮大黃杏藶去滓內芒硝煮一二沸內甘遂末温服得快利止後服如未劇者加白蜜二合作丸如彈子大水煮一丸服過宿乃下如不下更



服

柯韻伯曰胸中者宗氣之所出故名氣海氣爲陽故屬火
陽之畜氣爲水母氣清則水精四布氣熱則水濁而凝結
矣水結於胸則津液不下無以潤腸胃故大便必燥不下
輸膀胱其水道不通大黃芒硝善滌腸胃之熱實此病在
胸中而亦用以爲君者熱淫於內當治以苦寒且以潤腸
明之燥是實則瀉子之法補膀胱之寒亦制之以其所畏
也任甘遂之苦辛所以直攻其水結然水結因於氣結必
佐杏仁之苦溫以開其水中之氣氣行而水自利矣水結



又因于氣熱。必佐葶塵之大寒。以清其清分之熱。源
流自潔矣。若胸中水結。而未及中焦者。當小其制。而復以
白蜜之甘。以緩之。使畱連于胸中。過宿乃下。但解胸中之
結滯。而保腸胃之無傷。是又以攻劑而為和劑矣。是方為
利水攻積之劑。故治水腫痢疾之初起者。甚捷。然必視其
人壯實。可以一戰成功。如平素虛弱者。病久而任攻伐者。
當念虛虛之戒矣。